

საქართველოს მთავრობის შემადგენლობა:

საქართველოს პრემიერ-მინისტრი	- გრიგოლ მგალობლიშვილი
საქართველოს განათლებისა და მეცნიერების მინისტრი	- გიორგი ნოღია
საქართველოს გარემოს დაცვისა და ბუნებრივი რესურსების მინისტრი	- გიორგი ხაჩიძე
საქართველოს ეკონომიკური განვითარების მინისტრი	- ეკატერინე შარაშიძე
საქართველოს ენერჯეტიკის მინისტრი	- ალექსანდრე ხეთაგური
საქართველოს თავდაცვის მინისტრი	- დავით კეზერაშვილი
საქართველოს იუსტიციის მინისტრი	- ზურაბ ადეიშვილი
საქართველოს კულტურის, ძეგლთა დაცვისა და სპორტის მინისტრი	- გრიგოლ ვაშაძე
საქართველოს ლტოლვილთა და განსახლების მინისტრი	- კობა სუბელიანი
საქართველოს საგარეო საქმეთა მინისტრი	- ეკა ტყეშელაშვილი
საქართველოს სოფლის მეურნეობის მინისტრი	- ბაკურ კვეზერელი
საქართველოს ფინანსთა მინისტრი	- ნიკა გილაური
საქართველოს შინაგან საქმეთა მინისტრი	- ივანე მერაბიშვილი
საქართველოს შრომის, ჯანმრთელობისა და სოციალური დაცვის მინისტრი	- ალექსანდრე კვიციანი
საქართველოს სახელმწიფო მინისტრი ევროპულ და ევროატლანტიკურ სტრუქტურებში ინტეგრაციის საკითხებში	- გიორგი ბარამიძე
საქართველოს სახელმწიფო მინისტრი რეინტეგრაციის საკითხებში	- თემურ იაკობაშვილი
საქართველოს სახელმწიფო მინისტრი დიასპორის საკითხებში	- იულონ გაგოშიძე
საქართველოს სახელმწიფო მინისტრი რეგიონალური მართვის საკითხებში	- დავით ტყეშელაშვილი

ც ნ ო ბ ა

გრიგოლ მგალობლიშვილი დაიბადა 1973 წლის 7 ოქტომბერს ქ. თბილისში. 1995 წელს დაამთავრა ივანე ჯავახიშვილის სახელობის თბილისის სახელმწიფო უნივერსიტეტის აღმოსავლეთმცოდნეობის ფაკულტეტი, სპეციალობით საზღვარგარეთის აღმოსავლეთის ქვეყნების ქვეყანათმცოდნეობა.

1992 – 1993 წლებში სწავლობდა სტამბულის უნივერსიტეტის უცხო ენათა ფაკულტეტზე. 1997 წელს მონაწილეობა მიიღო თურქეთის საგარეო საქმეთა სამინისტროს მიერ ახალგაზრდა დიპლომატთათვის ორგანიზებულ კურსში.

1998 წელს დაესწრო ნატოს თავდაცვის კოლეჯში ჩატარებულ კურსს.

2002 წელს მიიღო ბრიტანეთის საბჭოს სტიპენდია.

2002-2003 წლებში სწავლობდა ოქსფორდის უნივერსიტეტის დიპლომატიურ სწავლებათა ფაკულტეტზე.

1996-1998 წლებში მუშაობდა საქართველოს საგარეო საქმეთა სამინისტროში ევროპისა და ამერიკის ქვეყნების დეპარტამენტის დასავლეთ ევროპის ქვეყნების სამმართველოში ატაშედ, მესამე და პირველ მდივნად.

1998-2002 წლებში დაინიშნა თურქეთის რესპუბლიკაში საქართველოს საელჩოში პირველ მდივნად, შემდეგ კი მრჩეველად.

2002-2003 მუშაობა გააგრძელა საგარეო საქმეთა სამინისტროში პირველ ევროპულ დეპარტამენტში მრჩეველად.

2003-2004 წლებში არის ამერიკის შეერთებული შტატების, კანადისა და ლათინური ამერიკის დეპარტამენტის დირექტორის მოადგილე.

2004 წლის ივლისიდან ამავე წლის სექტემბრამდე მუშაობს ევროპულ საქმეთა და ევროინტეგრაციის დეპარტამენტის დირექტორად.

2004 წლის 15 ოქტომბრიდან დაინიშნა თურქეთის რესპუბლიკაში საქართველოს საგანგებო და სრულუფლებიან ელჩად.

2006 წლის 20 ოქტომბერს დაინიშნა თურქეთის რესპუბლიკაში, ალბანეთის რესპუბლიკაში, ბოსნიასა და ჰერცეგოვინაში საქართველოს საგანგებო და სრულუფლებიან ელჩად.

მინიჭებული აქვს საგანგებო და სრულუფლებიანი ელჩის დიპლომატიური რანგი. ჰყავს მეუღლე და ორი შვილი.

ფლობს ინგლისურ, რუსულ, თურქულ და გერმანულ ენებს.

საქართველოს მთავრობის კანცელარიის
საკადრო საკითხთა დეპარტამენტის
უფროსი

5. 

კახა ამირანიძე

ც ნ ო ბ ა

გიორგი ნოდია დაიბადა 1954 წლის 4 სექტემბერს. 1976 წელს დაამთავრა ქ. თბილისის სახელმწიფო უნივერსიტეტის ფილოსოფიისა და ფსიქოლოგიის ფაკულტეტი. 1982 წელს მიენიჭა ფილოსოფიურ მეცნიერებათა კანდიდატის სამეცნიერო ხარისხი.

1980-1982 და 1990-2001 წლებში იყო საქართველოს მეცნიერებათა აკადემიის ფილოსოფიის ინსტიტუტის მეცნიერ-თანამშრომელი.

1982-1990 წლებში იყო ამავე ინსტიტუტის სწავლული მდივანი., ხოლო 1990-1995 წლებში პოლიტიკის ფილოსოფიის განყოფილების გამგე.

1994-2002 წლებში – თბილისის სახელმწიფო უნივერსიტეტის სოციოლოგიის კათედრის დოცენტი (შეთავსებით), ხოლო 2005 წელს – ილია ჭავჭავაძის სახელობის უნივერსიტეტის პროფესორი.

ამჟამად არის მშვიდობის, დემოკრატიის და განვითარების კავკასიური ინსტიტუტის გამგეობის თავმჯდომარე და ილია ჭავჭავაძის სახელმწიფო უნივერსიტეტის ფილოსოფიისა და პოლიტიკის მეცნიერებათა ფაკულტეტის დეკანი.

გამოცემული აქვს წიგნები და სტატიები („შრომა და ჰუმანიზმი“ (1986წ. რუსულ ენაზე), „თამაშის ცნება კულტურის ფილოსოფიაში“ (1987წ. ქართულ ენაზე), „საით?“ (1995წ. ქართულ ენაზე), „საქართველო – ბორძიკით დემოკრატიისაკენ. აგნოსტიკური შემწყნარებლობიდან ღვთისმოსავ იაკობინელობამდე; საზოგადოებრივი ცვლილება და ადამიანთა რეაქციები“ (2000წ. ინგლისურ ენაზე თეოდორ ჰანფთან თანაავტორობით)).

მიღებული აქვს აკადემიური სტიპენდიები :

1991-1992 წლებში ქენანის ინსტიტუტის ვუდროუ ვილსონის სახელობის მკვლევართა საერთაშორისო ცენტრის მკვლევარის სტიპენდია, ვაშინგტონი;

1996 – დემოკრატიის კვლევის საერთაშორისო ფორუმის მკვლევარის სტიპენდია, ვაშინგტონი;

1997 – ბერკლის უნივერსიტეტის საბჭოთა და პოსტსაბჭოური კვლევების ცენტრის მიწვეული მკვლევარის სტიპენდია, კალიფორნია;

1998-1999 – ბერლინის ვისენშაფტსკოლეჯის სტიპენდია;

2004 – ემილ ფრანკის (საპატიო) კათედრა, ბრიუსელის თავისუფალი უნივერსიტეტი;

2001-2004 – ბოხუმის და ბაიროითის უნივერსიტეტების (გერმანიისა და ილია ჭავჭავაძის სახელობის უნივერსიტეტის ერთობლივი პროექტი) (მონაწილე).

2008 წლის 31 იანვარს დაინიშნა საქართველოს განათლებისა და მეცნიერების მინისტრად.

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კ. ამირანიძე

ც ნ ო ბ ა

გიორგი ხაჩიძე დაიბადა 1974 წელს ქ. თბილისში. 1997 წელს დაამთავრა ივანე ჯავახიშვილის სახელობის თბილისის სახელმწიფო უნივერსიტეტი ბიოლოგიის სპეციალობით და მიენიჭა ბიოლოგის, ბიოლოგიისა და ქიმიის მასწავლებლის კვალიფიკაცია.

1993 წლიდან 2002 წლამდე მუშაობდა „რადიო-105“ და გაზეთ „რეზონანსის“ სარეკლამო სამსახურის ხელმძღვანელად, საქართველოს ტელევიზიის პირველი არხის რეჟისორად, იყო ტელეკომპანიის „იბერვიზია“ გადაცემის თანაავტორი, სტუდია „დვრიტა TV“ მთავარი რეჟისორი და რამდენიმე გადაცემის ავტორი, „რადიო-101-ის“ მუსიკალური რედაქტორი, მულტსერიალის „დარდუბალა“ რეჟისორი და კომპოზიტორი, ტელეკომპანია „202“ ტექნიკური რედაქტორი, მუსიკალური რედაქტორი, ჯგუფ „სახეს“ წევრი.

2003 წლის ნოემბერში ხაშურში დააფუძნა „გაერთიანებული დემოკრატების“ ადგილობრივი ორგანიზაცია, სადაც აირჩიეს ორგანიზაციის თავმჯდომარედ.

2003 წლის დეკემბრიდან 2004 წლის თებერვლამდე იყო ხაშურის რაიონის გამგებლის მოადგილე.


2004 წლის აპრილიდან სექტემბრამდე არჩეული იყო საქართველოს პარლამენტის წევრად.

2004 წლის სექტემბრიდან 2005 წლის მარტამდე იყო საქართველოს ადმინისტრაციულ-ტერიტორიულ ერთეულებში (ახალგორის, დუშეთის, თიანეთის, მცხეთის და ყაზბეგის რაიონები) საქართველოს პრეზიდენტის სახელმწიფო რწმუნებული, ხოლო 2005 წლის მარტიდან 2007 წლის ივნისამდე-საქართველოს ადმინისტრაციულ ტერიტორიულ ერთეულებში (ადიგენის, ასპინძის, ახალციხის, ახალქალაქის, ბორჯომის, ნინოწმინდის რაიონები) საქართველოს პრეზიდენტის სახელმწიფო რწმუნებული.

2007 წლის ივნისიდან დღემდე არის საქართველოს ადმინისტრაციულ-ტერიტორიულ ერთეულებში (ადიგენის, ასპინძის, ახალციხის, ახალქალაქის, ბორჯომის, ნინოწმინდის მუნიციპალიტეტები) სახელმწიფო რწმუნებული-გუბერნატორი.

ჰყავს მეუღლე და შვილი.

საქართველოს მთავრობის კანცელარიის
საკადრო საკითხთა დეპარტამენტის
უფროსი

5. 
29.10.08წ.

კახა ამირანიძე

ც ნ ო ბ ა

ეკატერინე შარაშიძე დაიბადა 1974 წლის 1 თებერვალს ქ. თბილისში.

2006 წლის ნოემბერში ეკატერინე შარაშიძე დაინიშნა საქართველოს პრეზიდენტის ადმინისტრაციის უფროსად. აღნიშნულ დანიშვნამდე ის იყო საქართველოს პრეზიდენტის სპეციალური მრჩეველი ეკონომიკური განვითარებისა და პირდაპირი უცხოური ინვესტიციების სფეროში.

მისი თითქმის 10 წლიანი სამუშაო გამოცდილება ამერიკის შეერთებულ შტატებში, დიდ ბრიტანეთში, საფრანგეთსა და გერმანიაში მრავალმხრივია და სიღრმისეულ ცოდნას და უნარების დიდ მრავალფეროვნებას აერთიანებს - დაწყებული „ბუზ ალენ ჰამილტონში“ მენეჯმენტ კონსალტინგიდან, დამთავრებული „გოლდმან საჩსში“ საინვესტიციო ბანკინგით, სარისკო კაპიტალის მართვით „სტარტ აპ ავენიუზე“, სიდატაკის დამღვევისა და კერძო სექტორის განვითარებისათვის მუშაობით გაეროში.

სკოლის ოქროს მედალზე დამთავრების შემდეგ ეკატერინე შარაშიძე გაემგზავრა ამერიკის შეერთებულ შტატებში, სადაც მომდევნო 15 წელი დაჰყო. მან ფრიადზე დაამთავრა ბაკალავრიატი სენტ ჯოზეფის, ასევე პენსილვანიის უნივერსიტეტში (1991 - 1995). დაიცვა ბაკალავრის ხარისხი ეკონომიკაში, ინგლისურ ენასა და ხელოვნების ისტორიაში. შემდეგ - მაგისტრის ხარისხი საჯარო პოლიტიკაში ჰარვარდის უნივერსიტეტის მმართველობის კენედის სკოლაში (1997 - 1999) და მაგისტრის ხარისხი ასევე ბიზნეს ადმინისტრირებაში (1999 - 2001) მასაჩუსეტსის ტექნოლოგიის ინსტიტუტის მენეჯმენტის სკოლაში.

2008 წლის 31 იანვარს დაინიშნა საქართველოს ეკონომიკური განვითარების მინისტრად.

თავისუფლად ფლობს რუსულ და ინგლისურ ენებს, საუბრობს გერმანულად და ფრანგულად. აქვს საქართველოს და ამერიკის შეერთებული შტატების ორმაგი მოქალაქეობა.

საქართველოს მთავრობის კანცელარიის

საკადრო საკითხთა დეპარტამენტის უფროსი



კ. ამირანიძე

ც ნ ო ბ ა

ალექსანდრე ხეთაგური დაიბადა 1976 წელს ქ. თბილისში. 1997 წელს დაამთავრა საქართველოს ტექნიკური უნივერსიტეტის გამოთვლითი ტექნიკის ფაკულტეტი. 2000 წელს ქ. თბილისის ბიზნესისა და მარკეტინგის ინსტიტუტის ეკონომიკის ფაკულტეტი, ხოლო 2002 წელს საქართველოს ტექნიკური უნივერსიტეტის ენერგეტიკის ფაკულტეტი, არის ენერგეტიკის ეკონომიკის მაგისტრი.

1999-2000 წლებში მუშაობდა საქართველოს ენერგეტიკის მარეგულირებელი ეროვნული კომისიის აპარატის ეკონომიკურ დეპარტამენტში წამყვან სპეციალისტად, ხოლო 2000 წლიდან 2002 წლამდე ეკონომიკური დეპარტამენტის მთავარ სპეციალისტად.

2002 წელს დაინიშნა საქართველოს ენერგეტიკის მარეგულირებელი კომისიის აპარატის მეთოდოლოგიური და ინფორმაციული უზრუნველყოფის დეპარტამენტის დირექტორად.

2004 წლის 5 მარტიდან 2006 წლის 27 ნოემბრამდე იყო ჯერ საქართველოს ენერგეტიკის მინისტრის მოადგილე, ხოლო შემდეგ მინისტრის პირველი მოადგილე.

2006 წლის 27 ნოემბერს დაინიშნა „საქართველოს ნავთობისა და გაზის კორპორაციის“ გენერალურ დირექტორად, ხოლო 2007 წლის 30 აგვისტოს საქართველოს ენერგეტიკის მინისტრად.

ფლობს რუსულ და ინგლისურ ენებს.
ჰყავს მეუღლე და ორი შვილი.

29.10.2008წ

საქართველოს მთავრობის კანცელარიის
საკადრო საკითხთა დეპარტამენტის
უფროსი



კ. ამირანიძე

ც ნ ო ბ ა

დავით კეზერაშვილი დაიბადა 1978 წელს ქ. თბილისში. 1999 წელს დაამთავრა ივ. ჯავახიშვილის სახელობის თბილისის სახელმწიფო უნივერსიტეტის საერთაშორისო ურთიერთობების ფაკულტეტი.

2001 წელს მუშაობა დაიწყო საქართველოს იუსტიციის სამინისტროს სასჯელაღსრულების დეპარტამენტში ჯერ ინსპექტორად, ხოლო შემდეგ ინფორმაციის მოპოვებისა და ანალიზის სამმართველოს უფროსად. იმავე წელს დაინიშნა მიხეილ სააკაშვილის მაჟორიტარული არჩევნების საარჩევნო შტაბის ოფის-მენეჯერად.

2002-2003 წლებში იყო საკრებულოს თავმჯდომარის თანაშემწე.

2004 წელს დაინიშნა საქართველოს ფინანსთა მინისტრის მრჩეველის თანამდებობაზე.

2004 წლის 15 მარტიდან 2006 წლის 10 ნოემბრამდე მუშაობდა საქართველოს ფინანსთა სამინისტროს ფინანსური პოლიციის უფროსად.

2006 წლის 10 ნოემბერს დაინიშნა საქართველოს თავდაცვის მინისტრად. ფლობს რუსულ, ინგლისურ და ივრითულ ენებს.

ჰყავს მეუღლე და ერთი შვილი.

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კ. ამირანიძე

ც ნ ო ბ ა

ზურაბ ადგიშვილი დაიბადა 1972 წელს ყვარლის რაიონში. 1994 წელს დაამთავრა ივ. ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტი სამართალმცოდნეობის სპეციალობით. 1997 წელს ჩაირიცხა სახელმწიფოსა და სამართლის ინსტიტუტის ასპირანტურაში.

1998-1999 სწავლობდა ჰოლანდიის გრონინგენის სამეფო უნივერსიტეტის იურიდიული ფაკულტეტის მაგისტრატურაში.

1996 წლის თებერვლიდან 1999 წლის ივნისამდე მუშაობდა საქართველოს პარლამენტის საკონსტიტუციო, იურიდიულ საკითხთა და კანონიერების კომიტეტის წამყვან სპეციალისტად.

1999 წლის ივლისიდან 1999 წლის სექტემბრამდე იყო სამართლებრივი განათლებისა და ინფორმაციის ასოციაციის აღმასრულებელი დირექტორი. 1999 წლის სექტემბრიდან ნოემბრამდე მუშაობდა "ოქრუაშვილი და პარტნიორები"- იურიდიულ ფირმაში იურისტად.

1999 წლის ნოემბრიდან 2002 წლის მაისამდე იყო საქართველოს პარლამენტის წევრი, იურიდიულ საკითხთა, კანონებისა და ადმინისტრაციული რეფორმების კომიტეტის ქვეკომიტეტის თავმჯდომარე, ამავე კომიტეტის თავმჯდომარის პირველი მოადგილე, შემდეგ თავმჯდომარე.

2003 წლის მაისიდან დეკემბრამდე იყო საქართველოს პარლამენტის წევრი.

2003 წლის დეკემბრიდან 2004 წლის თებერვლამდე იყო საქართველოს იუსტიციის მინისტრი.

2004 წლის 15 თებერვალს დაინიშნა საქართველოს სახელმწიფო უშიშროების მინისტრად და ამ თანამდებობაზე მუშაობდა 2004 წლის ივნისამდე.

2004 წლის 6 ივნისიდან 2008 წლის 21 იანვრამდე იყო საქართველოს გენერალური პროკურორი.

2008 წლის 1 თებერვლიდან დღემდე არის საქართველოს პრეზიდენტის ადმინისტრაციის უფროსი.

ფლობს ინგლისურ, გერმანულ და რუსულ ენებს.

ჰყავს მეუღლე და სამი შვილი.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კახა ამირანიძე

ც ნ ო ბ ა

გრიგოლ ვაშაძე დაიბადა 1958 წლის 19 ივლისს ქ. თბილისში. 1981 წელს დაამთავრა ქ. მოსკოვის სახელმწიფო საერთაშორისო ურთიერთობების ინსტიტუტის საერთაშორისო სამართლის ფაკულტეტი.

1981-1988 წლებში მუშაობდა საბჭოთა კავშირის საგარეო საქმეთა სამინისტროში საერთაშორისო ორგანიზაციების განყოფილებაში, ხოლო შემდეგ კოსმოსის და ბირთვული შეიარაღებების განყოფილებაში.

1988-1990 წლებში იყო დიპლომატიური აკადემიის ასპირანტი.

1990 წლიდან 2008 წლამდე დაკავებული იყო კერძო ბიზნესით და ხელმძღვანელობდა მის მიერ დაარსებულ კომპანიებს.

2008 წლის 6 თებერვალს დაინიშნა საქართველოს საგარეო საქმეთა მინისტრის მოადგილედ.

ფლობს რუსულ, ინგლისურ, პორტუგალიურ, იტალიურ, ფრანგულ და ესპანურ ენებს.

ჰყავს მეუღლე და ორი შვილი.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კახა ამირანიძე

ც ნ ო ბ ა

კობა სუბელიანი დაიბადა 1978 წლის 3 ოქტომბერს. 1995 წელს ჩაირიცხა ქ. თბილისის სასულიერო სემინარიაში და დაამთავრა 1999 წელს. იმავე 1999 წელს ჩაირიცხა ქ. თბილისის სასულიერო აკადემიაში, რომელიც დაამთავრა 2004 წელს.

1998-2004 წლებში მუშაობდა საქართველოს საპატრიარქოს სხვადასხვა განყოფილებებში. 1994 წლიდან იყო საქართველოს კათოლიკოს პატრიარქის სტიქაროსანი.

2004 წლის 1 ოქტომბრიდან 2005 წლის მაისამდე მუშაობდა სამეგრელო ზემო-სვანეთში პრეზიდენტის რწმუნებულის ფონდის აღმასრულებელ დირექტორად.

2005 წლის მაისიდან 2005 წლის 2 აგვისტომდე მუშაობდა საქართველოს პრეზიდენტის ადმინისტრაციის მატერიალურ-ტექნიკური უზრუნველყოფის სამსახურის უფროსად. 2005 წლის აგვისტოდან 2007 წლის ნოემბრამდე მუშაობდა თბილისის მერიის კეთილმოწყობის საქალაქო სამსახურის უფროსად. 2007 წლის ნოემბერიდან დაინიშნა საქართველოს ლტოლვილთა და განსახლების მინისტრად.

2008 წელს არჩეულ იქნა საქართველოს პარლამენტის წევრად.

ჰყავს მეუღლე და ერთი შვილი.

საქართველოს მთავრობის კანცელარიის

საკადრო საკითხთა დეპარტამენტის უფროსი



კ. ამირანიძე

ც ნ ო ბ ა

ეკა ტყეშელაშვილი დაიბადა 1977 წელს ქ. თბილისში. 1999 წელს დაამთავრა ივ. ჯავახიშვილის სახელობის თბილისის სახელმწიფო უნივერსიტეტის საერთაშორისო სამართლისა და საერთაშორისო ურთიერთობების ფაკულტეტი, ხოლო 2001 წელს აშშ-ში ნოტრ დამის უნივერსიტეტი (სამართლის სკოლა). 1999 წელს იყო საერთაშორისო სამართალში ოქსფორდისა და ჯორჯ ვაშინგტონის უნივერსიტეტების ერთობლივი პროგრამის მონაწილე.

1997 წლის სექტემბრიდან 1999 წლის ოქტომბრამდე მუშაობდა საქართველოს საგარეო საქმეთა სამინისტროში საგარეო პოლიტიკის ანალიზისა და კვლევის ცენტრის მთავარ სპეციალისტად.

1999-2000 წლებში მუშაობდა წითელი ჯვრის საერთაშორისო კომიტეტში კონსულტანტად და იურისტად.

2001 წლის ივნისიდან 2001 წლის ნოემბრამდე იყო ადამინის უფლებათა დაცვის იურისტთა კომიტეტში იურისტი.

2001 წლის დეკემბრიდან 2002 წლის ივნისამდე იყო სტაჟიორი ყოფილი იუგოსლავიის საერთაშორისო ტრიბუნალში.

2002-2004 წლებში მუშაობდა IRIS საქართველოში ჯერ იურისტად, შემდგომ კი - დირექტორის მოადგილედ.

2004 წლის 27 დეკემბრიდან 2005 წლის 23 სექტემბრამდე იყო საქართველოს იუსტიციის მინისტრის მოადგილე, ხოლო 2006 წლის 11 მაისამდე იყო საქართველოს შინაგან საქმეთა მინისტრის მოადგილე.

2006 წლის 10 მაისს დაინიშნა ქ. თბილისის სააპელაციო სასამართლოს თავმჯდომარედ, 2007 წლის 30 აგვისტოს საქართველოს იუსტიციის მინისტრად, ხოლო 2008 წლის 5 მაისს საქართველოს საგარეო საქმეთა მინისტრად.

ფლობს რუსულ, ინგლისურ და ფრანგულ ენებს.

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კ. ამირანიძე

ც ნ ო ბ ა

ბაკურ კვეზერელი დაიბადა 1981 წელს ქ. თბილისში. 2002 წელს დაამთავრა საქართველოს ტექნიკური უნივერსიტეტის საერთაშორისო ეკონომიკის ბაკალავრიატი, ხოლო 2005 წელს საქართველოს ტექნიკური უნივერსიტეტის საბანკო საქმის მაგისტრატურა.

2002-2003 წლებში იყო საქართველოს სახელმწიფო ქონების მართვის მინისტრის თანაშემწე.

2003 წლის მაისიდან 2004 წლის მარტამდე მუშაობდა საქართველოს ეკონომიკის, მრეწველობისა და ვაჭრობის სამინისტროს აპარატის კონსულტანტად.

2004-2005 წლებში იყო სახელმწიფო მინისტრის აპარატის მეწარმეობის ხელშეწყობისა და კოორდინაციის განყოფილების მთავარი სპეციალისტი.

2005 წლის იანვრიდან 2006 წლის ოქტომბრამდე მუშაობდა საქართველოს მთავრობის კანცელარიის რეგიონალურ საკითხთა დეპარტამენტის რეგიონალური ეკონომიკის განყოფილებაში მთავარ სპეციალისტად.

2006 წლის 16 ოქტომბერს დაინიშნა საქართველოს სოფლის მეურნეობის მინისტრის მოადგილედ, ხოლო 2007 წლის 3 მარტს პირველ მოადგილედ.

2008 წლის 29 აპრილს დაინიშნა საქართველოს სოფლის მეურნეობის მინისტრად. ფლობს რუსულ და ინგლისურ ენებს.

ჰყავს მეუღლე და შვილი.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კახა ამირანიძე

ც ნ ო ბ ა

ნიკა გილაური დაიბადა 1975 წელს ქ. თბილისში. სწავლობდა ივანე ჯავახიშვილის სახელობის თბილისის სახელმწიფო უნივერსიტეტის საერთაშორისო ეკონომიკური ურთიერთობების ფაკულტეტზე. 1998 წელს დაამთავრა ინგლისის ბიურნემოუნტის კოლეჯის ინგლისური ენის შემსწავლელი კურსები. 1999 წელს წარჩინებით დაამთავრა ლიმერიკის უნივერსიტეტის ეკონომიკური ფაკულტეტი ფინანსებისა და ეკონომიკის განხრით.

1999-2000 წლებში სწავლობდა ფილადელფიის ტემპლის უნივერსიტეტში. 2000 წელს დაიცვა ამავე უნივერსიტეტის მაგისტრის ხარისხი საერთაშორისო ბიზნეს მენეჯმენტში. პარალელურად 1999 წელს მუშაობდა ლუბლინის საერთაშორისო საფინანსო ცენტრში – საფონდო მენეჯმენტის კორპორაცია “ინვესკოში” - ფონდების ადმინისტრატორ-მენეჯერად.

2000 წელს იყო ფილადელფიის, მცირე ბიზნესის განვითარების ცენტრის ენერგოდამოგვის პროექტების ფინანსური კონსულტანტი.

2001 წელს დაინიშნა საქართველოს ტელეკომში ფინანსურ კონსულტანტად, ხოლო 2002 წელს - ესპანური კონსორციუმის – იბერდროლას საქართველოს ენერგობაზრის მენეჯმენტ-კონტრაქტორად, ფინანსურ კონსულტანტად.

2003 წლიდან 2004 წლის თებერვლამდე მუშაობდა ირლანდიურ კომპანია „ი-ეს-ბი-იში“ საქართველოს სახელმწიფო ელექტროსისტემის მენეჯმენტ-კონტრაქტორად, ფინანსურ მაკონტროლებლად.

2004 წლის 17 თებერვლიდან დაინიშნა საქართველოს ენერგეტიკის მინისტრად, ხოლო 2007 წლის 30 აგვისტოს საქართველოს ფინანსთა მინისტრად.

ფლობს ინგლისურ ენას.

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კახა ამირანიძე

ც ნ ო ბ ა

ივანე მერაბიშვილი დაიბადა 1968 წელს ადიგენის რაიონის სოფელ უღეში. 1992 წელს დაამთავრა საქართველოს ტექნიკური უნივერსიტეტის სამთო ფაკულტეტი.

1992-1995 წლებში მუშაობდა საქართველოს ტექნიკურ უნივერსიტეტში და აგრარულ უნივერსიტეტში ლაბორანტად, უფროს ლაბორანტად, ასისტენტად, უმცროს მეცნიერ თანამშრომლად.

1995 წლიდან იყო მიწის მესაკუთრეთა უფლებების დაცვის ასოციაციის პრეზიდენტი.

1999 წელს არჩეულ იქნა საქართველოს პარლამენტის წევრად.

2000 წლიდან იყო საქართველოს პარლამენტის ეკონომიკური პოლიტიკისა და რეფორმების კომიტეტის თავმჯდომარე, 2002 წლიდან საქართველოს ნაციონალური პარტიის გენერალური მდივანი.

2004 წლის 26 იანვრიდან 7 ივნისამდე იყო საქართველოს პრეზიდენტის თანამშემწე ეროვნული უშიშროების საკითხებში, ეროვნული უშიშროების საბჭოს მდივანი.

2004 წლის 7 ივნისიდან 18 დეკემბრამდე იყო საქართველოს სახელმწიფო უშიშროების მინისტრი, 2004 წლის 18 დეკემბრიდან დაინიშნა საქართველოს შინაგან საქმეთა მინისტრად.

ფლობს ინგლისურ ენას.

ჰყავს მეუღლე და ერთი შვილი.

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კახა ამირანიძე

ც ნ ო ბ ა

ალექსანდრე კვიტაშვილი დაიბადა ქ. თბილისში 1970 წლის 15 ნოემბერს. 1992 წელს წარმატებით დაამთავრა თბილისის სახელმწიფო უნივერსიტეტის ისტორიული ფაკულტეტი ევროპისა და აშშ-ს უახლესი ისტორიის სპეციალობით. 1992 წელს მასკის პროგრამაში გამარჯვების შემდეგ ჩაირიცხა ნიუ იორკის უნივერსიტეტის რობერტ ფ. ვაგნერის სახელობის სახელმწიფო მართვის სკოლაში. 1993 წელს მან წარმატებით დაასრულა სწავლა ნიუ იორკის უნივერსიტეტში და მიიღო სახელმწიფო მართვის მასტერის ხარისხი. სწავლის დასრულების შემდეგ იგი მუშაობდა ატლანტის გრეიდის სამედიცინო ცენტრის ფინანსურ და ადმინისტრაციულ დეპარტამენტში.

1993 წელს სანდრო კვიტაშვილი დაბრუნდა საქართველოში და დაიწყო მუშაობა გაეროს განვითარების პროგრამის საქართველოს წარმომადგენლობაში ადმინისტრაციისა და ფინანსების ოფიცრის თანამდებობაზე.

1995-1997 წლებში იგი იყო გაერთიანებული მეთოდისტური ეკლესიის დახმარების კომიტეტის (ამქორ) საქართველოს მისიის უფროსის მოადგილე და მისიის ხელმძღვანელის მოვალეობის შემსრულებელი. მისი ხელმძღვანელობით ორგანიზაცია ახორციელებდა პროგრამების ჯანდაცვისა და სოციალურ სფეროებში.

1997 წელს სანდრო კვიტაშვილი გახდა ქართული არასამთავრობო ორგანიზაციის, კურაციოს საერთაშორისო ფონდის პრეზიდენტი. მისი პრეზიდენტობის პერიოდში, კურაციოს ფონდმა განახორციელა მრავალი მნიშვნელოვანი პროექტი ჯანდაცვის მართვის, ფინანსირებისა და ეკონომიკის მიმართულებით, ისევე როგორც მრავალი სხვა პროექტი ჯანდაცვის, განათლებისა და სოციალური დაცვის სფეროში.

2002 წელს იგი გახდა საქართველოს სიღარიბის დაძლევისა და ეკონომიკური ზრდის პროგრამის ჯანდაცვის, სოციალური და განათლების სექტორების ქვეკომიტეტის ეროვნული ექსპერტი - კოორდინატორი.

1995-2002 წლების განმავლობაში იგი მუშაობდა სხვადასხვა საერთაშორისო ორგანიზაციების კონსულტანტად აზერბაიჯანში, ლიტვაში, უკრაინაში, სომხეთსა და სერბეთში. ამავე წლებში მას გამოცემული აქვს რამდენიმე ანალიტიკური ნაშრომი რომელიც შეეხებოდა ჯანდაცვის სფეროს რეფორმებისა და სოციალური დაცვის სისტემის ანალიზს.

2002-2003 წლებში სანდრო კვიტაშვილი მუშაობდა ნიუ იორკში აღმოსავლეთ-დასავლეთის ინსტიტუტში და შიდსის წინააღმდეგ ტრანსატლანტიკური პარტნიორობის ინსტიტუტის კონსულტანტად.

2004 წელს იგი დაინიშნა აღმოსავლეთ დასავლეთ ინსტიტუტის (EastWest Institute) ადმინისტრაციის დირექტორად, ხოლო 2005 წლიდან ადმინისტრაციის

უფროს დირექტორად და ორგანიზაციის მმართველი საბჭოს წევრად. ამ რანგში იგი უწევდა მართვას ნიუ იორკის, ბრიუსელის, პრადისა და მოსკოვის ცენტრებს, ასევე კადრების, ინფორმატიკის, ღონისძიებათა და ზოგადი ადმინისტრაციის დეპარტამენტებს. მონაწილეობდა ორგანიზაციის განვითარების გრძელვადიანი სტრატეგიული გეგმის შემუშავებაში.

2008 წლის 31 იანვარს დაინიშნა საქართველოს შრომის, ჯანმრთელობისა და სოციალური დაცვის მინისტრად.

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კ. ამირანიძე

ც ნ ო ბ ა

გიორგი ბარამიძე დაიბადა 1968 წელს ქ. თბილისში. 1992 წელს დაამთავრა საქართველოს პოლიტექნიკური ინსტიტუტის ქიმიური ტექნოლოგიის ფაკულტეტი. 1995 წლის თებერვლიდან ივნისამდე სწავლობდა ჯორჯ მარშალის სახელობის ევროპის უსაფრთხოების საკითხთა და თავდაცვის ეკონომიკის ცენტრში, ხოლო 1998-1999 წლებში – ამერიკის შეერთებული შტატების ჯორჯ თაუნის უნივერსიტეტის საგარეო სამსახურის სკოლაში.

1986 წლიდან 1988 წლამდე გაიარა სამხედრო სავალდებულო სამსახური.

1991 წლიდან 1992 წლამდე მუშაობდა საქართველოს მწვანეთა მოძრაობის აღმასრულებელ მდივნად.

1992 წლის ივნისიდან 1992 წლის ოქტომბრამდე იყო საქართველოს რესპუბლიკის ადამიანის უფლებათა დაცვისა და ეროვნებათაშორისი ურთიერთობის კომიტეტის ადამიანის უფლებათა დაცვის სამმართველოს უფროსის მოადგილე, შემდეგ სამოქალაქო და პოლიტიკურ უფლებათა დაცვის განყოფილების უფროსი.

1992 წლიდან 1995 წლამდე იყო საქართველოს პარლამენტის წევრი, ადამიანის უფლებათა დაცვისა და ეროვნულ უმცირესობათა საქმეების კომისიის მდივანი.

1995-1999 წლებში - საქართველოს პარლამენტის წევრი, ფრაქცია „მოქალაქეთა კავშირის“ თავმჯდომარე და კორუფციასთან ბრძოლის დროებითი საგამოძიებო კომისიის თავმჯდომარე.

1999 - 2003 წლებში - საქართველოს პარლამენტის წევრი, საქართველოს პარლამენტის თავდაცვისა და უშიშროების კომიტეტის თავმჯდომარე, ნდობის ჯგუფის წევრი და ფრაქცია „გაერთიანებული დემოკრატების“ თავმჯდომარე.

2003 წლის ნოემბრიდან 7 ივნისამდე - საქართველოს შინაგან საქმეთა მინისტრი, ხოლო 2004 წლის 7 ივნისიდან 2004 წლის 17 დეკემბრამდე - საქართველოს თავდაცვის მინისტრი.

2004 წლის 17 დეკემბრიდან დაინიშნა საქართველოს სახელმწიფო მინისტრად ევროპულ და ევროატლანტიკურ სტრუქტურებში ინტეგრაციის საკითხებში.

2006 წლის 26 აპრილს დაეკისრა საქართველოს ვიცე-პრემიერის მოვალეობის შესრულება.

ფლობს ინგლისურ, ფრანგულ და რუსულ ენებს.

ჰყავს მეუღლე და ერთი შვილი.

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კ. ამირანიძე

ც ნ ო ბ ა

თემურ იაკობაშვილი დაიბადა 1967 წელს ქ. თბილისში.

იგი არის საქართველოს სტრატეგიისა და საერთაშორისო ურთიერთობების კვლევის ფონდის თანადამფუძნებელი და აღმასრულებელი ვიცე პრეზიდენტი.

თემურ იაკობაშვილი პროფესიულ საქმიანობას შეუდგა 1990 წელს საქართველოს საგარეო საქმეთა სამინისტროში, სადაც 2001 წლამდე ეკავა სხვადასხვა თანამდებობები, რომელთაგან ბოლო გახლდათ ამერიკის, კანადისა და ლათინური ამერიკის დეპარტამენტის დირექტორის თანამდებობა. მას მინიჭებული აქვს საგანგებო და სრულუფლებიანი დესპანის დიპლომატიური რანგი.

თემურ იაკობაშვილმა საშუალო განათლება მიიღო თბილისის 84-ე საშუალო სკოლაში და კომაროვის სახელობის ფიზიკა-მათემატიკის სკოლაში. 1984 წელს დაამთავრა თბილისის სახელმწიფო უნივერსიტეტის ფიზიკის ფაკულტეტი. 1998 წელს გაიარა სპეციალიზირებული დიპლომატიური კურსები ოქსფორდისა და ბირმინჰემის უნივერსიტეტებში (დიდი ბრიტანეთი). 2002 წელს მიიღო იელის უნივერსიტეტის მსოფლიო ლიდერთა პროგრამის სტიპენდია (აშშ). 2003 წელს გაიარა უსაფრთხოების საკითხებზე უმაღლესი კურსები ჰარვარდის უნივერსიტეტის კენედის სახელობის სახელმწიფო მმართველობის სკოლაში (აშშ). 2006 წელს უპსალას უნივერსიტეტის “აბრეშუმის გზის კვლევების ცენტრში” (შვედეთი) იყო მიწვეული მკვლევარი.

თემურ იაკობაშვილი არის საქართველოს საგარეო ურთიერთობათა საბჭოსა და საქართველოს ატლანტიკური საბჭოს თანადამფუძნებელი და გამგეობის წევრი. საქართველოს საზოგადო საქმეთა ინსტიტუტის გამგეობის წევრი.

თემურ იაკობაშვილს აქვს მთელი რიგი საგაზეთო და სპეციალიზირებული პუბლიკაციები ეროვნული უსაფრთხოების, კონფლიქტებისა და საერთაშორისო ურთიერთობების თემებზე. ბოლო პუბლიკაცია: „შეუძლია თუ არა საქართველოს ნატოში ინტეგრაცია აფხაზეთის და სამხრეთ ოსეთის კონფლიქტების საბოლოო მოგვარების გარეშე“ (გერმანული მარშალის ფონდის გამომცემლობა).

2008 წლის 31 იანვარს დაინიშნა საქართველოს სახელმწიფო მინისტრად რეინტეგრაციის საკითხებში.

თავისუფლად ფლობს რუსულ, ინგლისურ და ივრითულ ენებს.

ჰყავს მეუღლე და ორი შვილი

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



ქ. ამირანიძე

ც ნ ო ბ ა

იულონ გაგომიძე დაიბადა 1935 წლის 17 ივლისს ქ. თბილისში.
1958 წელს დაამთავრა თბილისის სახელმწიფო უნივერსიტეტის
ისტორიული ფაკულტეტი არქეოლოგიის სპეციალობით.

1983 წელს მიენიჭა დოქტორის სამეცნიერო ხარისხი.

1968 წლიდან დღემდე ხელმძღვანელობდა სხვადასხვა
არქეოლოგიურ ექსპედიციებს (ისრაელში, კვიპროსში, აზერბაიჯანში,
ქსნის ხეობაში, სამადლოში, დედოფლისწყაროში და სხვა).

არის მრავალი მნიშვნელოვანი სამეცნიერო პუბლიკაციის
ავტორი.

1991 წელს იყო ქ. მცხეთის პრეფექტი.

1995 წლიდან არის გელათის მეცნიერებათა აკადემიის
აკადემიკოსი.

2004–2006 წლებში იყო ქ. თბილისის საკრებულოს წევრი.

2005 წელს დაჯილდოებულია ღირსების ორდენით.

2008 წლის 31 იანვარს დაინიშნა საქართველოს სახელმწიფო
მინისტრად დიასპორის საკითხებში.

ჰყავს მეუღლე და ორი ვაჟიშვილი.

29.10.2008წ.

საქართველოს მთავრობის კანცელარიის
საკადრო საკითხთა დეპარტამენტის
უფროსი



კ. ამირანიძე

ც ნ ო ბ ა

დავით ტყეშელაშვილი დაიბადა 1969 წელს ქ. თბილისში. 1996 წელს დაამთავრა ქ. თბილისის ივ. ჯავახიშვილის სახელობის სახელმწიფო უნივერსიტეტის იურიდიული ფაკულტეტი სამართალმცოდნეობის სპეციალობით.

1995 წლიდან არის საქართველოს პარლამენტის წევრი. მუშაობდა უმრავლესობის ლიდერის მოადგილედ. 1999 წელს ხელმეორედ იქნა არჩეული საქართველოს პარლამენტის წევრად. 1999-2003 წლებში მუშაობდა ადამიანის უფლებათა დაცვის კომიტეტის არასამთავრობო ორგანიზაციებთან და მედიასთან ურთიერთობის ქვეკომიტეტის თავმჯდომარედ. 2004 წელს არჩეულ იქნა საქართველოს პარლამენტის წევრად „ნაციონალური მოძრაობა-დემოკრატების“ სიით. 2006 წლის 21 ივლისს დაინიშნა საქართველოს გარემოს დაცვისა და ბუნებრივი რესურსების მინისტრად, 2007 წლის 30 აგვისტოს საქართველოს შრომის, ჯანმრთელობისა და სოციალური დაცვის მინისტრად, ხოლო 2008 წლის 31 იანვარს საქართველოს სახელმწიფო მინისტრად რეგიონული მართვის საკითხებში.

2005 წლიდან ედმონდ მასკის სტიპენდიანტია. 2006 წელს დაამთავრა ემორის უნივერსიტეტი. მინიჭებული აქვს მაგისტრის ხარისხი სამართალში.

ფლობს ინგლისურ და რუსულ ენებს.

ჰყავს მეუღლე და ერთი შვილი.

29.10.2008წ

საქართველოს მთავრობის კანცელარიის
საკადრო საკითხთა დეპარტამენტის
უფროსი



კ. ამირანიძე